

ЎЗБЕКИСТОН ВА ОЗАРБАЙЖОН ЎРТАСИДАГИ МУНОСАБАТЛАР ТАРИХИДА НАВБАТДАГИ МУҲИМ БОСҚИЧ

Ўзбекистон Республикаси Президенти Шавкат Мирзиёев Озарбайжон Республикаси Президенти Илҳом Алиевнинг таклифига биноан давлат ташрифи билан ушбу мамлакатда бўлиб турибди.

Бу ташриф икки қардош халқ ўртасидаги муносабатлар тарихида навбатдаги муҳим босқичга айланади. Ташрифнинг биринчи куни Президент Илҳом Алиев билан бўлиб ўтган музокаралар, Олий давлатлараро кенгашининг иккинчи йиғилиши ва имзоланган келишувлар нафақат икки томонлама алоқаларни, балки минтақадаги сиёсий, иқтисодий ва маданий жараёнларнинг йўналишини белгилашда ҳам муҳим саналади.

Давлатимиз раҳбари 3 июль куни Боку шаҳрида Озарбайжон халқининг умуммиллий етакчиси Ҳайдар Алиев мангу кўним топган Фахр хиёбонида ташриф буюрди.

Президентимиз Ҳайдар Алиев қабрига гул қўйиб, Озарбайжоннинг буюк давлат ва сиёсат арбоби хотирасига эҳтиром кўрсатди.

Ҳайдар Алиев ҳақли равишда мустақил Озарбайжоннинг асосчиси ҳисобланади. Унинг раҳбарлигида мамлакатнинг жадал ривожланиши ва халқаро майдондаги нуфузи юксалиши учун мустақкам пойдевор яратилди.

Унинг давлат қурилиши ва миллий суверенитетни мустақкамлашга қўшган ҳиссаси Озарбайжон тарихида алоҳида ўрин тутди.

Ўзбекистонда Ҳайдар Алиевни қардош давлатларимиз ўртасидаги дўстлик алоқаларини ривожлантириш ва мустақкамлашга катта аҳамият берган давлат арбоби сифатида чуқур ҳурмат қилишади. Шундан сўнг Президент Шавкат Мирзиёев Боку шаҳридаги Ғалаба боғига борди.

Ўзбекистон етакчиси Ғалаба ку-

нига бағишланган ёдгорлик пойига гул қўйиб, Озарбайжон ватанпарварлари хотирасига ҳурмат бажо келтирди.

Озарбайжон пойтахти марказида жойлашган ушбу замонавий ёдгорлик мажмуаси мамлакат озодлиги ва ҳудудий яхлитлиги йўлида қурбон бўлган миллий қаҳрамонлар хотирасини абадийлаштириш мақсадида бунёд этилган.

Ўзбекистон Республикаси Президенти Шавкат Мирзиёев Озарбайжонга давлат ташрифи доирасида Фузулий шаҳрига келди.

Аэропортда олий мартабали меҳмонни Озарбайжон маданият вазири Одил Керимли ва бошқа расмийлар кутиб олди.

Шаҳар буюк озарбайжон шоири ва мутафаккири Муҳаммад Фузулий номи билан аталган. Мамлакатнинг жануби-ғарбий қисмида жойлашган бу шаҳар азалдан Қорабоғнинг "жанубий дарвозаси" ҳисобланади.

2020 йилдан бошлаб Фузулий тумани ва шаҳрида кенг кўламли қайта тиклаш дастури амалга оширилмоқда. 2021 йилда фойдаланишга топширилган Фузулий аэропорти барпо этилган муҳим объектлардан бири бўлди. Шаҳарда, шунингдек, замонавий турар жой мажмуалари, тиббиёт ва таълим муассасалари, инфратузилма объектлари қад ростлади, янгилари қурилмоқда.

2023 йил август ойида икки мамлакат етакчилари шаҳарда Ўзбекистон Президенти ташаббуси билан биродар халқларимиз ўртасидаги мустақкам дўстлик рамзи сифатида қурилган Мирзо Улуғбек номидаги замонавий мактабни очган эдилар.

Сўнг Ўзбекистон Республикаси Президенти Шавкат Мирзиёев Хонкенди шаҳрига келди.

Давлатимиз раҳбарини Озарбайжон Республикаси Президен-

ти Илҳом Алиев кутиб олди.

Бу ерда етакчилар кўшма тикувчилик фабрикаси фаолияти билан танишди.

Корхона Президентлар томонидан 2024 йил ноябрь ойида Бокуда бўлиб ўтган БМТ Иқлим саммити доирасидаги учрашувда ишга туширилган эди.

Тикувчилик фабрикасининг майдони 1,2 гектар. Лойиҳанинг умумий инвестиция қиймати 6,2 миллион долларни ташкил этади. Жами 800 та иш ўрни яратилади.

Корхонада йилига 3-5 миллион донна трикотаж маҳсулотлари ишлаб чиқариш режалаштирилган. Тайёр маҳсулотлар ҳам ички бозорга, ҳам экспортга етказиб берилади.

Ўзбекистон Республикаси Президенти Шавкат Мирзиёев Хонкенди шаҳридаги Иқтисодий ҳамкорлик ташкилоти саммити доирасида Афғонистон Бош вазирининг иқтисодий масалалар бўйича ўринбосари вазифасини бажарувчи Мулла Абдул Ғани Бародарни қабул қилди.

Савдо-иқтисодиёт, транспорт-логистика, энергетика соҳаларидаги ўзаро манфаатли ҳамкорликни янада кенгайтиришнинг долзарб жиҳатлари муҳокама қилинди.

Товар айирбошлаш ҳажми ва кўшма корхоналар сони барқарор ортиб бораётгани алоҳида мамнуният билан қайд этилди.

Амалий алоқалар фаоллашди. Жорий йилнинг май ойида Кобул ва Мозори Шариф шаҳарларида Ўзбекистон савдо уйлари очилди. Июнь ойида Имтиёзли савдо тўғрисидаги битим имзоланди.

Ўзбекистон етакчиси чегаролди савдо ва тегишли инфратузилмани янада ривожлантириш, қазиб чиқариш, тўқимачилик, фармацевтика ҳамда қурилиш материаллари тармоқларида, қишлоқ

хўжалиги маҳсулотларини қайта ишлаш ва бошқа йўналишларда кооперация лойиҳаларини илгари суриш муҳимлигини таъкидлади.

Стратегик муҳим минтақавий лойиҳа – Трансафғон темир йўлини қуриш лойиҳасини жадаллаштириш зарурлиги қайд этилди.

Иқтисодий ҳамкорлик ташкилотининг 17-саммити доирасида Ўзбекистон Республикаси Президенти Шавкат Мирзиёев Озарбайжон Республикаси Президенти Илҳом Алиев ҳамроҳлигида Ағдам шаҳридаги "Иморат" тарихий-меъморий мажмуасига ташриф буюрди.

Бу ерга Иқтисодий ҳамкорлик ташкилотига аъзо мамлакатлар делегациялари раҳбарлари ҳам келди.

Ағдам шаҳри Озарбайжоннинг ғарбий қисмида, Қорабоғ туманида жойлашган. 2021 йилдан бошлаб шаҳар инфратузилмаси фаол тикланмоқда: янги мактаблар, болалар боғчалари, уй-жойлар, маъмурий бинолар қурилмоқда.

"Иморат" мажмуасида Қорабоғ хонлиги асосчиси Паноҳ Алихоннинг саройи ва мақбараси жойлашган. 2024 йилда мажмуа реставрация ишлари ва археологик тадқиқотлардан сўнг қайта очилди.

Бу ерда Қорабоғ тулпорлари парки ва интерактив музей ташкил этилган.

Етакчилар мажмуада яратилган шароитлар, бунёдкорлик ишлари билан танишди. Меҳмонлар эътиборига Озарбайжон Қорабоғининг бой маданияти ва анъаналарини акс эттирувчи Қорабоғ тулпорлари иштирокидаги "Зафар" номли маданий дастур тақдим этилди.

Ўзбекистон Республикаси Президенти Шавкат Мирзиёевнинг Озарбайжонга давлат ташрифи давом этмоқда.

ЎЗА

Олий Мажлис Сенатининг саккизинчи ялти мажлисида сенаторлар томонидан маъқулланган "Ўзбекистон Республикасининг айрим қонун ҳужжатларига қўшимча ва ўзгартиришлар киритиш тўғрисида"ги қонун божхона қонунчилигидаги бўшлиқларни бартараф этиш, миллий қонунчиликни Жаҳон савдо ташкилоти қоидаларига мувофиқлаштириш ва иқтисодиётда тенг рақобат муҳити ҳамда хорижий инвестицияларни кенг жалб қилиш учун қулай шарт-шароитлар яратишга хизмат қилади.

■ Моҳият

Божхона қонунчилиги жаҳон савдо ташкилоти талабларига уйғунлаштирилмоқда

Кейинги даврда юртимизда Жаҳон савдо ташкилоти-га аъзо бўлиш йўлида изчил ҳаракатлар амалга оширилмоқда. Мазкур жараён доирасида бўлиб ўтган икки томонлама учрашувларда Швейцария, АҚШ, Европа Иттифоқи каби давлатлар томонидан Ўзбекистон ўзининг божхона қонунчилигини халқаро стандартлар асосида мувофиқлаштириши масаласи бир неча бор кўриб чиқилган.

(Давоми 2-бетда) ►



Қобилжон ТУРСУНОВ,
Олий Мажлис Сенати
Бюджет ва иқтисодий
масалалар қўмитаси
раиси ўринбосари

● Қонун кўмаги

36 йиллик орзу суд қарори асосида ушалди



Учқўприк туманида истикомат қилувчи Нигматулла бобо Умаровни узоқ йиллар бир муаммо қайнаб келарди. Гап шундаки, бобонинг фарзандлари қўшни республикада яшади. Уларни кўргани борай деса... Нигматулла бобо ҳозир 87 ёшда. У 1938 йил 5 августда Фарғона вилояти Учқўприк тумани Тожик қишлоғида туғилган. Кейинчалик қўшни

Қозоғистон Республикаси-га кўчиб кетган. 1961-1979 йилларда Қозоғистоннинг турли идора ва хўжаликларидида электромонтёр ҳамда инспектор вазифаларида ишлаган. Бу даврда уйланиб, 8 нафар фарзанд кўрган. 1979 йил 5 март куни унга "И-КТ №667795" рақамли собиқ иттифоқ پاسпорти берилган.

(Давоми 3-бетда) ►

Қонунчиликдаги янгиликлар

Олий Мажлис Қонунчилик палатасининг наватдаги мажлисида ҳуқуқий эксперимент ва риэлторлик соҳасидаги муносабатларни тартибга солиш, ҳуқуқни қўллаш амалиётининг бир хиллигини таъминлаш, статистика соҳасидаги ислохотларнинг ҳуқуқий асосларини мустақкамлаш, аҳолини асосий турдаги озиқ-овқат маҳсулотлари билан кафолатли таъминлаш ҳамда қишлоқ хўжалиги маҳсулотлари етиштириш ҳажмларини кўпайтиришга қаратилган қатор қонун лойиҳалари кўриб чиқилди.

■ Парламент фаолияти



ҲУҚУҚИЙ ЭКСПЕРИМЕНТ ЎТКАЗИШ ТАРТИБЛАРИ БЕЛГИЛАНМОҚДА

Мажлисида "Ҳуқуқий эксперимент тўғрисида"ги қонун лойиҳаси иккинчи ўқишда кўриб чиқилди.

Таъкидланганидек, бугунги кунда илғор технологияли тараққиёт барча соҳаларга чуқур кириб бормоқда. Ҳар қандай ўз-

гариш ва янгиликни синовдан ўтказгандан сўнг жорий этиш ҳар томонлама мақсадга мувофиқ саналади. Ҳуқуқий эксперимент айна шу жиҳатдан ҳам муҳим демократик институт ҳисобланади.

(Давоми 2-бетда) ►



● Талаб ва тақлиф

СУД ҲУЖЖАТЛАРИНИ ТАФТИШ ТАРТИБИДА ҚАЙТА КЎРИШ:

ҲУҚУҚИЙ АСОСЛАРИ ВА АМАЛИЙ АҲАМИЯТИ

Бугунги кунда суд қарорларини қайта кўришда вилоят судлари ва уларга тенглаштирилган судларнинг имкониятларидан самарали фойдаланиш, ўрта бўғин судларида суд қарорларини кўриб чиқиш ва қонуний, адолатли ҳамда асосли бўлишини таъминлаш орқали фуқароларнинг шикоят қилиш ҳуқуқидан

фойдаланиш имкониятларини янада кенгайтириш зарурияти вуҷудда келди. Бу, ўз навбатида, тафтиш институти-ни ривожлантириш йўналишида давр ва жамият талабларига жавоб берадиган ўзгаришларни амалга ошириш масаласини кун тартибига қўйди.

(Давоми 2-бетда) ►

● Тарих тилсимлари



Саид АҲМАД,
Ўзбекистон Қаҳрамони

Тақдир, тақдир, МУНЧА шафқатсизсан?

(«Кўз ёши томган ҳикоялар» туркумидан)

◀ (Бошланиши ўтган сонда)

Гарнизондан капитан Расулов етиб келди. Қатор ётқириб қўйилган, тинмай ўқийётган ўттиз беш чоқли маҳбуснинг бошига бориб, бир-бир қараб чиқди. Дадажоннинг тепасига келиб узоқ туриб қолди.

Бош врач Шарин ҳолсиз ётганларнинг ҳаммасини санитар замбаридида касалхонага жўната бошлади. Лагерь уйғониб кетган. Маҳбуслар панжарали деразалардан бу томонга

жимгина қараб туришибди. Дадажонни замбарга ётқиришди. Бир томонидан ўзим кўтаришиб ўликхонага обордик.

Соат саккизда барча баракларнинг эшиги очилди. Олтинчи барак поп этиб ёндию аланга ичида қолди. Ачимсиқ тутун хидига тўлган лагер устида, туманлар орқасидан тонг ёришиб келарди.

(Давоми 4-бетда) ►

Парламент фаолияти

Қонунчиликдаги янгиликлар

◀ (Бошланиши 1-бетда)

Қонун лойиҳасида ҳуқуқий эксперимент ўтказиш шакл ва усуллари, уни ташкил этиш ва ўтказиш шартлари, ҳуқуқий эксперимент натижаларини баҳолаш тартиби ва уларни расмийлаштириш бўйича талаблар белгиланмоқда.

Шунингдек, муайян тартиб-таомилни ҳуқуқий экспериментдан ўтказиш вақт, ҳудуд ва шахслар доираси бўйича олиб борилиши ҳамда ҳуқуқий экспериментни ўтказиш босқичлари назарда тутилмоқда.

Қонун лойиҳасини иккинчи ўқишга тайёрлаш жараёнида келиб тушган таклиф ва фикрлар эътиборга олиниб, лойиҳадаги нормалар такомиллаштирилди. Хусусан, чекланган соҳалар-

нинг умумий мезонлари аниқлаштирилди, инсоннинг конституциявий ҳуқуқ ва эркинликларини чеклайдиган, бекор қиладиган ёки ёмонлаштирадиган экспериментларга йўл қўйилмаслиги қатъий белгиланди.

Ҳуқуқий эксперимент ўтказишдаги ваколатли органлар роли кенгайтирилди, хусусан, Вазирлар Маҳкамасининг мувофиқлаштирувчи роли аниқ белгилаб қўйилмоқда. Давлат органлари ваколатлари ҳамда фуқаролик жамияти институтларининг ҳуқуқий экспериментдаги иштироки алоҳида бобда акс эттирилди.

Қонун лойиҳаси депутатлар томонидан учинчи ўқишда қабул қилинди ва Сенатга юборилди.

ЖИСМОНИЙ ВА ЮРИДИК ШАХСЛАР ҲУҚУҚЛАРИ ИШОНЧЛИ ҲИМОЯ ҚИЛИНАДИ

Шунингдек, мажлисда “Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида”ги қонун лойиҳаси иккинчи ўқишда кўриб чиқилди.

Сўнгги йилларда мамлакатимизда жисмоний ва юридик шахсларнинг ҳуқуқлари ҳамда қонуний манфаатларини ишончли ҳимоя қилиш борасида кенг қўламли ислохотлар амалга оширилмоқда. Шу билан бирга, ҳуқуқни қўллашда ягона амалиётни таъминлашга тўқсинлик қилувчи, коррупциявий хавф-хатарларни келтириб чиқарувчи ҳамда аҳоли ва тадбиркорларнинг ортиқча сарсон бўлишига сабаб бўлувчи айрим нормаларни чиқариб ташлаш, ҳуқуқий жиҳатдан тартибга солиш зарурати юзага келмоқда.

Шундан келиб чиқиб, “Қимматли қозғошлар бозори тўғрисида”ги қонунни “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги қонунга мувофиқлаштириш мақсадида, акцияларни акциядорлик жамияти билан бир қаторда акциядорлар ҳам имтиёзли ҳуқуқ асосида (тўғридан-тўғри) сотиб олиши

мумкинлиги белгиланмоқда. Шунингдек, йиғимларни жорий этиш тартиби фақат қонунларда белгиланиши назарда тутилмоқда. Бундан ташқари қонун лойиҳаси билан Вазирлар Маҳкамасининг мактабга таълим ва тарбиянинг давлат стандартини тасдиқлаш ваколати Мактабга таълим ва тарбиянинг давлат стандартини тасдиқлаш ваколати Мактабга таълими вазирлигига ўтказилмоқда.

Депутатларнинг таклифидан келиб чиқиб, ушбу қонун лойиҳаси билан давлат ўрмон хўжалиги органлари томонидан ўрмон фонди ерларини онлайн-аукцион орқали ижарага бериш тартиби амалдаги қонунчилик талабларига мувофиқ фақатгина ўрмон фонднинг фойдаланилмаётган ерларига нисбатан татбиқ этилиши белгилаб қўйилмоқда.

Мажлисда ушбу ҳужжат ҳуқуқни қўллашда ягона амалиётни таъминлаш, коррупциявий хавф-хатарларни бартараф қилиш, жисмоний ва юридик шахсларнинг ҳуқуқларини ишончли ҳимоя қилиш билан боғлиқ муносабатларни ҳуқуқий жиҳатдан тартибга солишга хизмат қилиши қайд этилди. Қонун лойиҳаси учинчи ўқишда қабул қилинди ва Сенатга юборилди.



Мажлисда “Ўзбекистон Республикасининг Маъмурий жавобгарлик тўғрисидаги кодексига ўзгартириш ва қўшимчалар киритиш ҳақида”ги қонун лойиҳаси иккинчи ўқишда кўриб чиқилди. Мазкур қонун лойиҳаси билан Маъмурий жавобгарлик тўғрисидаги кодексга “маъмурий оғохлантириш” жазо чорасини киритиш ва ижтимоий хавфлилиги кам бўлган йўл ҳаракати хавфсизлиги билан боғлиқ ҳуқуқбузарликлар учун оғохлантириш жазосини қўллашни назарда тутувчи ўзгартиш ва қўшимчалар киритилмоқда.

Шунингдек, Маъмурий жавобгарлик тўғрисидаги кодекснинг 36-моддаси янги банди билан тўлдирилмоқда. Унга мувофиқ, йўл ҳаракати қоидалари бузилганлиги махсус автоматлаштирилган фото ва видео қайд этиш воситалари орқали қайд этилган ҳолларда

маъмурий жазо ҳуқуқбузарлик содир этилган кундан бошлаб бир ойдан кечиктирмай, қарор устидан шикоят қилинганда эса, бир йилдан кечиктирмай қўлланилиши белгиланмоқда. Бошқача айтганда, эндиликда фото ва видео қайд этиш воситалари орқали аниқланган ҳуқуқбузарлик учун қарор бер ойдан кечиктириб чиқарилган бўлса, жазо қўлланилмайди.

Қонун лойиҳаси билан Маъмурий жавобгарлик тўғрисидаги кодексда автоматлаштирилган фото ва видео воситалари ёрдамида қайд этиладиган ҳуқуқбузарликлар аниқ санаб ўтилмоқда. Эндиликда “тўғри чизиқни босганлик” ҳолати камера орқали қайд этилса, жарима қўлланилмаслиги ҳам белгиланмоқда.

Қонун лойиҳаси депутатлар томонидан учинчи ўқишда қабул қилинди ва Сенатга юборилди.

ОЛИЙ МАЖЛИС ҚОНУНЧИЛИК ПАЛАТАСИ МАТБУОТ ХИЗМАТИ

◀ (Бошланиши 1-бетда)

Айни пайтда Ўзбекистон ташқи савдо йўналишидаги икки ва кўп томонлама халқаро шартномаларга мувофиқ, 10 та давлат билан эркин савдо режими ҳамда 47 та давлат билан энг кўп қулайлик бериш режими асосида савдо муносабатларини олиб бормоқда.

Бугунги кунда республика импортининг 32,3 фоизи – эркин савдо режими ўрнатилган мамлакатлар, 61,4 фоизи – энг кўп қулайлик бериш режими қўлланилаётган давлатлар ҳиссасига ва қолган 6,3 фоизи эса, савдо режими белгиланмаган давлатлар ёки ишлаб чиқарилган мамлакатни аниқланмаган товарлар ҳисобига тўғри келади.

Мамлакатимизга импорт қилинаётган товарларнинг 95 фоизи – Жаҳон савдо ташкилотига аъзо давлатлардан, қолган 5 фоизи ушбу ташкилотга аъзо бўлмаган Беларусь, Озарбайжон, Туркменистон, Эрон ва бошқа давлатлардан олиб келинмоқда.

Шуларни инобатга олган ҳолда, янги қонун билан Божхона кодексига қўшимча ва ўзгартишлар киритилмоқда. Жумладан, савдо-иқтисодий муносабатларда энг кўп қулайлик бериш режими ўрнатилмаган мамлакатларда ишлаб



Божхона қонунчилиги ЖАҲОН САВДО ТАШКИЛОТИ талабларига уйғунлаштирилмоқда

чиқарилган ёхуд ишлаб чиқарилган мамлакатни аниқланмаган товарларга нисбатан амалдаги импорт божлари ставкаларининг 2 баравари миқдоридан кўллаш механизми бекор қилинмоқда.

Шунингдек, янги қонун билан савдо-иқтисодий муносабатларда энг кўп қулайлик бериш режими назарда тутилмаган мамлакатларда ишлаб чиқарилган ёхуд ишлаб чиқарилган мамлакатни аниқланма-

ган товарларга нисбатан бож тарифдан ташқари қўшимча божхона божини ўндирилиши миқдорлари:

- божхона божининг адвалор ставкаси тури ўн фоизгача бўлган товарларга нисбатан – беш фоиз;
- божхона божининг адвалор ставкаси ўн фоиздан йигирма фоизгача бўлган товарларга нисбатан – ўн фоиз;
- божхона божининг адвалор ставкаси йигирма фоиздан ўттиз

фоизгача бўлган товарларга нисбатан – ўн беш фоиз;

- божхона божининг адвалор ставкаси ўттиз фоиз ва ундан юқори бўлган товарларга нисбатан йигирма фоиз этиб белгиланмоқда.

Бу, ўз навбатида, қонун ҳужжатларини Жаҳон савдо ташкилоти қоидаларига мувофиқлаштириш имконини беради. Шу билан бирга, ташқи иқтисодий фаолиятни рағбатлантириш, экспорт-импорт географиясини кенгайтириш ва мамлакатимиз иқтисодиётига тўғридан-тўғри хорижий инвестициялар оқимини оширишга хизмат қилади.

Ўзбекистоннинг Жаҳон савдо ташкилотига аъзо бўлиши барча 166 та аъзо давлатга нисбатан божхона божларини қўллашда тенг ва адолатли ёндашувни тақозо этади. Янги қонунда назарда тутилган нормалар айнан ана шундай халқаро мажбуриятларнинг ижросини таъминлашга ҳуқуқий асос яратади.

Мухтасар айтганда, ушбу қонуннинг қабул қилиниши мамлакатимизнинг ташқи савдо соҳасида шаффоф ва рақобатбардош муҳит яратиш, шунингдек, Ўзбекистоннинг Жаҳон савдо ташкилотига аъзо бўлиш жараёнини жадаллаштиришга ижобий таъсир кўрсатади.

■ Хабар

Суд ҳокимияти мустақиллиги кафолатларини янада кучайтириш — бугунги кун талаби

Ўзбекистон Республикаси Олий судида «Суд ҳокимиятининг чинакам мустақиллигини таъминлаш» мавзусига бағишланган давра суҳбати бўлиб ўтди.

Тадбирда Олий Мажлис Қонунчилик палатаси депутатлари, Олий суд, Конституциявий суд, Судьялар олий кенгаши судьялари ва ходимлари ҳамда вазирлик ва идоралар, илмий-тадқиқот муассасаларининг вакиллари иштирок этди.

Давра суҳбатида Ўзбекистон Республикаси Президентининг 2025 йил 30 январдаги **«Ўзбекистон — 2030»** стратегиясини «Атроф-муҳитни асраш ва «яшил иқтисодиёт» йилида амалга оширишга оид давлат дастури тўғрисида»ги

Фармонида белгиланган вазифалардан келиб чиқиб, судьяларнинг ҳуқуқий мақоми ва қонуний манфаатларини ҳимоя қилишдаги тизимли ёндашувлар, судьялар ҳамжамияти органларининг ҳуқуқий асосларини белгилаш масалалари муҳокама қилинди.

Мулоқот давомида бугунги кунда суд ҳокимиятининг чинакам мустақиллигини таъминлашда судьялар мақомининг ҳуқуқий асосларини янада такомиллаштириш, уларнинг ҳуқуқлари кафолатларини мустаҳкам-



лаш, судьялар ҳамжамияти органларининг ролини янада ошириш, уларнинг ҳуқуқий асослари, вазифалари, функциялари ва ваколатлари, уни шакллантириш тартибини белгилаш, шунингдек, судьяларнинг ўзини ўзи бошқариш тамойилини кенг жорий этиш масаласи долзарб ва зарур ҳисобланиши алоҳида қайд этиб ўтилди.

Тадбир иштирокчилари томонидан суд ҳокимиятининг чинакам мустақиллигини таъминлаш, ушбу йўналишда судьялар ҳамжамияти органларининг ролини янада ошириш, судьяларнинг ҳуқуқий

мақоми ва қонуний манфаатларини ҳимоя қилиш масалалари бўйича қатор фикр-мулоҳазалар билдирилди.

Давра суҳбати якунида билдирилган таклифлар

юзасидан тегишли чора-тадбирларни ишлаб чиқиш ва уни амалга ошириш бўйича вазифалар белгилаб олинди.

Бобомурод РАЙИМОВ



...Феруз бугун ҳам мактабдан юзи қонталаш ҳолда қайтди. Аммо онаси Гулнора бунга эътибор ҳам бермади, аксинча, ўғлини уйда ёлғиз қолдириб, шошганча аллақайёққа кетди. У тун алламаҳал бўлганда қайтди.

Феруз шу кунни туз тотмади. Бунинг устига таътилда оғриқдан қийналиб, дастурхондаги қотган нон бўлақларига қайрилиб ҳам қарамади. Охири ухлаб қолди.

Тун алламаҳалида кимдир эшикни бир неча бор зарб билан тақиллатди. Тош қотиб ухлаётган бола буни эшитмади. Охир-оқибат эса, зарбанинг таъсирида эшик ўз-ўзидан тарвақайлаб очилди. Остонада икки киши: эркак ва аёлнинг бесўнақай гавдаси пайдо бўлди. Улар ухлаб ётган болага эътибор ҳам бермай ётоқхонага киришди.

... Таассуфки, ярим тунда уйига қайтган Гулнора ётоқда эри Давронни бегона аёл билан кўрди. Аммо бунга жиддий эътибор бермади, бошқа хонага кириб ухлагани ётди. Фақат эртаси кун чошгоҳга етганда, эр-хотин ва бегона аёлни ўз домига тортган

тундаги мастлик тарқагач, даҳанаки жанжал бошланди. Буларнинг бари мурғак фарзанд Ферузнинг кўз ўнгига содир бўлди. Афсуски, бундай гавго-жанжаллар биринчи марта рўй бераётгани йўқ эди. Эр-хотин Д.Матёкубов ва Г.Қодировалар (исм-шарифлар ўзгартирилган) мана бир ярим йилдириқ, шундай нотинч турмушда омида яшаб келишадди. Аммо улар оилани асраб қолиш, фарзандлари тақдирини ўйлашни ҳаёлларига ҳам келтиришмади. Фақат улар яшайдиган Урганч шаҳрининг 6-даҳаси аҳлининг сабри ална аёлни ўз домига тортган



нотинчлик, ахлоққа мутлақо зид қилмишлар ҳақидаги ноҳуш хабарлар даставвал шу ердаги ҳуқуқ тартиботи идораси, етиб келдида эса, судга, пировардида. Охир-оқибат эр ва хотинни оталик ва оналик ҳуқуқидан маҳрум қилиш масаласи кун тартибига чиқди.

Афсусланарли томони шундаки, Д.Матёкубов ва Г.Қодирова ўз фарзанди олдиданги бурч ва мажбуриятларини бажаришмагани, бунга панжа орасидан қарашгани суд жараёнида рўй-рост маълум бўлди. Уларни ота ва оналик ҳуқуқидан маҳрум этишдан бошқа чора қолмади. Бунга фарзанд

■ Турмуш чорраҳаларида

Ота бўлиш осон эмас,

— Ферузнинг ўзи ҳам рўйхушлик бермади. Унинг онаси ва отасига мутлақо лоқайд муносабатда экани суд мажлиси чоғи берилган саволлар ва унинг жавоблари асносида яққол аён бўлди. Аммо болани ота ва она тарбиясидан маҳрум қилиш ўта оғир. Бироқ мурғак болани ичкилик ва маийший бузуқликка берилган шахслар қарамоғида қолдириш унинг ҳаётини барбод этиш билан баробар.

Суд муҳокамаси асносида

энидигина 10 ёшни қаршилаган Ферузни махсус тарбия масканида жойлаштиришга ҳожат қолмади. Унинг 64 ёшли бувиси Шарофат момо судда кўрсатма берар экан, қизи ва куёвига нисбатан нафратини яшира олмади. Уларни ота-оналик ҳуқуқидан маҳрум этишга қарши эмаслигини билдирди, набираси Ф.Матёкубовни эса, ўз тарбиясига беришни сўради. Суд унинг талабини қаноатлантирди.

Шу ўринда яна бир марта қайд этиш зарурки, шахсни ўз фарзанди тарбиясидан маҳрум этиш ғоятда оғир, етти ўйлаб бир кесишни тақозо қилувчи масъулиятли вазифа. Бу борада қонуннинг ҳам талаби бор, унда шахсни оталик ва оналик ҳуқуқидан маҳрум этишнинг барча тартиб-тамоийллари тўлиқ ўз ифодасини топган.

Агар суд ота ёки онани бола ҳуқуқларини жиддий бузган деб топса, уларни мазкур ҳуқуқдан маҳрум қилиш тўғрисида ҳал қилув қарори қабул қилади.

◀ (Бошланиши 1-бетда)

Бир юртнинг одами ҳар қандай шароитда ҳам бир-бирига қайишар экан. Бирон соатлар ўтиб, капитан Расулов қозғога ўроқли бир нарсга бериб кетди. Очиб қарасам, саккиз метр оқ суруп. Дадажон учун кафанлик эди бу. Ҳали ҳам туман тарқгани йўқ. Анча баланд кўтарилиб қолган қуёш туман пардаси орқасидан худди қиздирилган қақадек кўрилади.

— Кафанликни мен олиб келганимни биров билмгани дуруст, — деди у ёқ-бу ёққа аланглаб. — Марҳумнинг жасадини соат учларга тайёрланглар.

То соат учгача марҳум Дадажонни ювиб, кафанлаб, жанозасини ўқиди. Бричка аравада дарвозадан олиб чиқишди. Вахтада тунда эшикларни очмай, шунча одамга шикаст етказган, Дадажоннинг ўлимига сабаб бўлган назоратчи старшина Демянов турарди. Бричкани қўриқлаб бораётганларга танбеҳ берди:

— Кафанини очиб қаранглар. Баданига штик санчиб кўринглар, мугомбирлик қилаётган бўлмасин.

Расулов:

— Текшириб кўрилган, хотиржам бўл! — деб жавоб қилди. Уни дафн қилишга мени олиб чиқишди. Ана шунда Расуловнинг миллатга қайишшига тан бердим. Гўр қазиш, мурдани кўмиш учун бухоролик учта солдатни юбораётган эди. Улардан бири Қуръонни жуда чиройли тиловат қилар экан.

Туман тарқаган. Офтоб қор бостан оппоқ чўлда кўзни камаштиради.

Қабристонга келганимизда генералнинг ити кўмилган жойга қарадим. Жуда чиройли қилиб гумбаз кўтарилибди. Бефарзанд генерал ўлими олдидан, «Мендан қолган пулларни сарф қилиб, содиқ итимга ёдгорлик ўрнатин-



ТАҚДИР, ТАҚДИР, МУНЧА ШАФҚАТСИЗСАН?

глар», деб васият қилган экан.

Ёдгорлик я қинига бордим.

Қорамармар тошга шундай сўзлар ўйиб ёзилган:

«Менинг содиқ ва вафодор дўстим, ўттиз етти қочоқ маҳбусни тутиб берган ва ўзи ёвуз маҳбус кўлида ҳалок бўлган Жек номли итга миннатдор дўсти генерал майор Максим Михайлович Речниковдан».

Атрофга қарайман. Бу қабристонга академик Туpoleвнинг истеъдодли шоғирди, Меҳнат қаҳрамони Дудинтов кўмилган. СССР халқ артисти Вера Квитко, Валерий Чкаловнинг самолётини ҳамиша учишга синчковлик билан тайёрлайдиган авиация майори Степанов, Бухорода ришта касалини тугатишда катта хизмат кўрсатган Рустам Азимзодалар шонсиз-шарафсиз кўмилган. Уларнинг қабри қани? Аллақачон теп-текис бўлиб кетган. Биргина шу Жек деб аталган итга қўйилган савлатли ёдгорлик қабристонни «обод» қилиб турибди.

Тақдир, тақдир, мунча қаҳринг қаттиқ! Мунча шафқатсизсан! Шу буюк зотларни битта ит қатори кўрмадинг-а!

Файзсиз, қишда бўронлар увиллаган, ердан бош кўтарган гиёҳларни саратон қовжиратиб ташлайдиган бу бефайз, аянчли, бадбахт дала манзарасига қараб, бу хунук, бу совуқ қабристонга қараб, ич-ичимдан фарёд урадим.

Уч бухоролик азамат йи-

ланда ҳам чиқмас, пастга ҳам тушмас, аллақандай кўринмас ип билан тепамизга осиб қўйилгандек тек қотган эдилар.

Икки оёғи билан тумшуги қип-қизил, бошида гунафшаранг кокили бор бу қушларнинг пайдо бўлганига ҳали қирқ йилдан ошгани йўқ. Уларнинг асли номи қанақа, ҳеч ким билмайди. Қозоқлар Бейиш қуши, Қрим татарлари Ридвон (Ризвон) қуши, деб атайдилар.

Улар тошлар орасидаги инларига чўл гиёҳларининг уруғларини ёзда ғамлаб оладилар. Бўрон турганда, ёгингарчилик пайтларида ҳафталаб инларидан чиқмайдилар.

Одамлар уларнинг инлари оғзига нон ушоқлари, ҳар хил дон-дунларни сочиб кўядилар. Уфадаги Мадра-сайи олияда таҳсил олиб қайтаётган бир талаба қушларнинг инлари олдида тиз чўкиб, йиғлаб Қуръон тиловат қилган экан. Унинг гапи-га қараганда, бу қушлар оддий қушлар эмас, мана шу теп-текис бўлиб кетган қабрлардаги азоб-укубатларда шаҳид бўлган беғуноҳ инсонларнинг бир калима руҳлари эмиш.

Кимки Ризвон қушига озор берса, тузалмас дардга мубтало бўлармиш. Шу қабристон ёнидан тунда ўтган одамларнинг айтишларича, қушларнинг уяларидан тонг отгунча йиғи, оху фарёдлар

эшитилармиш.

Истамбой қироатни соғинган экан. Армия сафига чақирилгандан бери комсомолларнинг зугумига учрамаслик учун овоз чиқармай, ичида тиловат қилиб юраркан. Назаримда, тиловат қилаётганда унинг ўзи ҳам аллақандай руҳий озиқланаётгандек эди.

Гап-сўз бўлишдан чўчимай, бу дафн маросимига йўл очиб берган ҳамюртим, капитан Расуловга дил-дилдан раҳматлар айтдим.

— Укам, — дедим Истамбойга. — Қўлингни фотиҳага оч: шу Расулов деган азамат инсон ҳақиқа бир дуо қил!

Бу дунёнинг ғамларидан, айрилиқларидан, адолат-сизликларидан у дунёга фарёд уриб кетган аламдошим, ҳасратдошим Дадажонни кимсасиз чўл тупроғига топшириб қайтиб келяпмиз. Қиш кунлари — бир тутам. Соат беш бўлмай қоронғи тушган. Зона деворларидаги прожекторлар ёқиб қўйилган. Гурил-лаб ёнаётган гулхан олдида маҳбуслар тик турганларича гоҳ қўлларини, гоҳ оёқларини ўтга тутиб, исхишарди. Зонага биров кирмас, биров чиқмасди.

Ҳамманинг оғзида битта гап: «Старшина Демяновга чора кўрилсин, жиноий жавобгарликка тортилсин».

Ёнғин пайтида барак эшикларини очмаган старшина Демянов вахтада пўстинга ўралиб, қоровуллар билан қайноқ чой ичиб ўтирибди. Унинг башарасига туфлагим келди. Афсуски, бунинг сира иложи йўқ эди. У озод гражданин, мен эса, ҳамма ҳуқуқлардан маҳрум қилинган маҳбусман. Бир пасткаш, инсонлик қиёфасини йўқотган, шафқатсиз, ҳиссиз тўнка олдида ожизу нотавон қолиш нақадар аламли, нақадар ўқинчли!

(Давоми кейинги сонда)

◀ (Бошланиши 3-бетда)

Аниқроқ айтганда, А.Аноров 2024 йил 26 ноябрь кун, тахминан, соат 16-00 ларда ўзганинг мол-мулкни талон-торож қилиш мақсадида, бир гуруҳ шахслар билан ўзаро жиноий тил бириктиради: олдиндан тузилган жиноий режа асосида, вояга етмаган Икром Абдиев билан 2010 йилда туғилган жабрланувчи Файзулла Ашуровга ҳужум қилиб, босқинчилик жиноятини содир этган. Улар жабрланувчининг бозор баҳоси 600.000 сўм бўлган "РЕДМИ-6" русумли телефонни қўлга киритиб, воқеа жойидан яширинган.

Бундан ташқари вояга етмаган А. Аноров 2024 йил 26 ноябрь кун, тахминан, соат 17-45 ларда, олдиндан тузилган жиноий режа асосида, вояга етмаган И. Абдиев иштирокида такроран босқинчилик йўли билан ўзганинг мол-мулкни талон-торож қилиш мақсадида, вояга етмаган Шомирза Худойкуловни жиноятга шерик қилган. Улар Бўка туманидаги Агротехнологиялар техникуми биноси ёнида вояга етмаган жабрланувчи Муҳиддин Норбековни пичоқ билан кўрқитган ва босқинчилик йўли билан унинг бозор баҳоси 1.200.000 сўмлик "Самсунг А50" телефон курилмасини қўлга киритган.

Аниқланишича, вояга етмаганлардан иборат бу жиноий гуруҳ илгари ҳам майда безорилик билан шуғулланиб келган. Бироқ улардан жабр кўрган тенгқур болалар ушбу "сир"дан катталар ёки ўқитувчиларини хабардор этишдан андиша қилган. Балки жиноий гуруҳ кўзига ёмон

кўриниб қолишдан чўчигандирлар ҳам. Оқибатда зўравонликка ружу қўйган А.Аноров гуруҳи маҳаллий ёшларга отнинг қашқасидек танилиб қолган...

Ниҳоят, ҳуқуқни муҳофаза қилув-

вояга етмаган Шомирза Худойкулов эса, Жиноят кодексининг 164-моддаси 2-қисми "а,б" бандлари билан айбланиб, барчасига иш бўйича "қамоққа олиш" тарзидаги эҳтиёт чораси қўлланилди.



чи идорага етиб келган дастлабки хабардан сўнг уларнинг зўравонликка асосланган ўзбошимча хатти-ҳаракатларига чек қўйилди.

Вояга етмаган Асқар Аноров ва унинг дастлабки жиноий шериги, вояга етмаган Икром Абдиев — Жиноят кодексининг 164-моддаси 2-қисми "а,б" бандлари ва 164-моддаси 3-қисми "а" банди билан, охириги жиноий қилмишга шерик бўлган

Суд туман таълим бўлими мутасаддилари билан келишган ҳолда, туманнинг 20 та таълим муассасасидаги ҳуқуқбузарлик ва зўравонликка мойиллиги бўлган жами қирқ нафарга яқин ёшларни очиқ суд мажлисига тўплади. Суд очиқ суд мажлисида А.Аноров бошчилигидаги вояга етмаган судланувчилар ва жабрланувчиларнинг кўрсатмаларини тинглаб, дастлабки тергов жараёнида

ҳамда судда тўпланган далилларни текширди, уларни қонун нуктаи назаридан батафсил муҳокама қилиб, жиноят ишидаги барча ҳужжатларни таҳлил этди, тарафларнинг музокаралари ва судланувчиларнинг охириги сўзини тинглаб, мазкур жиноят тафсилотларига тўла ойдинлик киритди.

Суд мажлисида барча судланувчилар содир қилган жинояти бўйича айбига иқдорлик билдириб, жабрланувчилардан кечирим сўрашди, қилмишидан чин кўнгилдан пушаймонлиги, жабрланувчиларга етказилган моддий зарар тўлиқ қопланганлиги баён қилиб, суддан енгиллик беришни сўрашди.

Суд судланувчиларни вояга етмаганини инобатга олиб, Асқар Аноровни — 4 йил муддатга, Икром Абдиевни — 3 йилу 6 ой муддатга, Шомирза Худойкуловни 1 йилу 6 ой муддатга озодликдан маҳрум қилиш жазосига ҳукм қилди, жазо тарбия колонияларида ўталиши белгиланди.

Бу воқеани баён этишдан мақсад — ёшлар тарбияси ҳамиша ҳушёрлик ва масъулият талаб этишини таъкидлашдир. Қўлбуки, ёшлар тарбиясида йўл қўйилган ҳар бир эътиборсизлик исзис кетмайди. Шундай экан, бугун биз ёшлар тарбиясига масъулият қилиб ёндашганимиз, бу борада ҳамиша оғоҳ ва ҳушёр бўлишимиз осойишта ва фаровон келажакка қўйилган пойдевор эканини унутмаслигимиз жоиз.

Шерзод АБДУҚОДИРОВ,
жиноят ишлари бўйича
Бўка тумани суди раиси

Инсоннинг дунёқараши, онг-тафаккури ва дидини юксалтириш ва ҳатто соғлиғининг тикланишида санъат, хусусан, музика мўъжизакор таъсир кўрсатади, шу боис бу ҳақдаги маълумотлар, ўйлаимизки, ҳеч кимни бепарқ қолдирмайди.

Музиқанинг ҳайратомуз ХУСУСИЯТЛАРИ

Маълумки, тиббиётда музика билан даволаш — "музика терапияси" деб аталади. Бизгача етиб келган кўпгина тарихий манбаларда ҳам музика шифобахш восита сифатида қайд қилинган. Жумладан, буюк аждодимиз Абу Али ибн Сино асаб ва руҳий касалликларга чалинган беморларни музика билан даволаган. Шунингдек, Ал-Хоразмийдан "Иккита усул — сўз ва дори-дармон билан даволашдан қайси бири сизга маъқул?", деб сўрашганда, у "Учинчиси" деб жавоб берган. Бу гапдан ҳамма хайрон қолганида у "Қадим замонлардан бери касалликларни даволашда сўз, дори-дармон ва музикадан фойдаланишди. Менга моҳир созанданинг сози-дан чиққан куй ҳар қандай доридан яхши таъсир қилади ва ҳамиша шифо ато этади", деб изоҳ берган экан.

Антик цивилизациянинг буюк намоёндаларидан бўлган Пифагор, Арасту, Афлотун каби файласуфлар ҳам музиқанинг инсон руҳиятига ижобий таъсир этишини таъкидлашган. Қадимги Мисрда музика садолари остида турмуш жараёни бир қадар енгил кечиши амалда исбот қилинган бўлса, Ҳиндистонда жанг майдонида орттирилган жароҳатлар музика билан даволанган. Бундан ташқари машҳур табиб Ҳипократ куй билан тутқаноқ ва уйқусизлиқни бартараф эттишга эришган бўлса, Рим табиби Гален илон ва бошқа заҳарли ҳайвонлар чақанда музикадан зидди-заҳар сифатида фойдаланган.

Бугунги кунда дунёнинг кўпгина мамлакатларида музика терапияси кенг оммалашди ва замонавий тиббиётнинг алоҳида йўналишига айланиб улгурди. Мисол учун, Ҳиндистонда миллий куй-қўшиқлар кўпгина шифоналарда профилактик восита сифатида қўлланилиб келинмоқда. Мадраас шахрида музика билан даволовчи шифокор-мутахассисларни етказиб берадиган махсус марказ ҳам ташкил этилган. Шунингдек, Хитойда "Овқат ҳазми учун", "Уйқусизлик учун", "Бош оғриғи учун", "Жигар учун", "Ўпка учун", "Буйрак учун" оркестрли концертлардан ташкил топган махсус музикаль альбомлар сотуви тобора харидор-гир бўлмоқда.

Янада қизиқарлиси, америкалик олимлар кўпгина илмий-амалий тажрибаларни ўтказиб, тўғри танланган музика оҳанглари, ҳақиқатан ҳам, терапевтик самарага эга, деган хулосага келишди. Масалан, Шуберт, Чайковский, Шопен, Лист каби бастакорларнинг романтик музикалари руҳий зўриқишлардан халос бўлишга ях-



шигина ёрдам берар экан. Шунингдек, Бах, Гендель, Вивальди, Кореллилар яратган "барокко" услубидаги сокин қуйлар хотиржамлик кайфиятини бахш этиб, киши ўзини ўнглаб олишига кўмаклашиши исботланган. Мумтоз музика эса, кўпроқ диққатни жамлашга, хотира ва идрокни учайтиришга ёрдам берар экан. Масалан, дунёнинг кўпгина мамлакатларида Моцарт музикаси асаб касалликларини даволашда қўлланилиб келинмоқда.

Қуйидаги маълумотлар ҳам музиқанинг нақадар шифобахш эканига далил бўлади. Германияда болалар "церебрал фалажлиги" деб аталадиган касаллик билан оғирган 12 ёшли Анна исмли қизалоқ ҳолати ёмон бўлишига қарамай музика билан жиддий шуғулланиб, аста-секин аввал юришни, сўнгра жозибали рақсга тушишни ўрганишга муваффақ бўлди. Уни қузатган мутахассислар шунисига ҳам ўзларида йўқ хурсанд эди. Бироқ Анна бу ютуқлари билан чекланмай, инсон иродаси нималарга қодир эканини исботлаш мақсадида машғулотларни изчил давом эттирди. Натижада бир неча танловларда ғолибликни қўлга киритиб, барча иштирокчиларни қойил қолдирди. Машҳур француз актёри Жерар Депардьё эса, шифокор тавсиясига кўра, уч ой давомида Моцарт музикаларини тинглаб, ду-дукликдан фориғ бўлгани бугун ҳеч кимга сир эмас.

Яна бир маълумот: Бразилияда кўз шифокори қабулига келган 60 нафар беморнинг 30 нафарига мумтоз музика тинглаганидан, қолган 30 нафарига эса, аксинча, тинч шароит яратилганидан сўнг текширув ўтказилганда, музика тинглаган беморларда кўриш қобилияти ошгани аниқланган.

Қуйидаги маълумот ҳам кишида ҳайрат уйғотиши табиий. Замонавий услубдаги биологик тадқиқотлар таҳлили шуни кўрсатадики, ҳатто яхши музика эшиттирилганда ўсимликларда ҳам фотосинтез жараёни кучаяр экан. Олимлар яхши ва ёмон музикаларни ўсимликларга эшиттириш орқали жуда ҳайратланарли тажрибага гувоҳ бўлишди. Гап шундаки, салбий кайфият уйғутувчи қуйларни, масалан, рок-рол ва қуруқ даранг-дуронг садоларидан иборат поп музикасини эшитган ўсимликлар ўсишдан тўхтаб қолган, ҳатто қуриб-қовжирган бўлса, ёқимли, аллаловчи, майин музика эшиттирилган ўсимликлар эса, гурираб ўсган. Наботот оламидаги бундай тажрибалар олимларни янада кенг қамровли илмий тадқиқотлар ўтказишга ундамоқда.

Интернет материаллари асосида
Бобомурод РАЙИМОВ тайёрлади.

МУАССИС:

Ўзбекистон Республикаси
Олий суди

Бош муҳаррир:
Шодикул ҲАМРОЕВ

Газета 2007 йил 23 февралда
Ўзбекистон Матбуот ва ахборот
агентлигида 0224-рақам билан
рўхатдан ўтган.



ТАХРИР ҲАЙЪАТИ

Бахтиёр ИСЛАМОВ
Икром МУСЛИМОВ
Олимжон ИСМАИЛОВ
Шухрат ПОЛВАНОВ
Холмўмин ЁДГОРОВ
Зарифжон МИРЗАҚУЛОВ

Абдуҳалим ХОЛМАХМАТОВ
Жамшид САДИНОВ
Муродулло ҚОДИРОВ
Замира ЭСАНОВА
Азиз АБИДОВ
Бобомурод РАЙИМОВ

Сахифаловчи:

Шерзод
ХАЙРУЛЛАЕВ

Газета «Шарқ» нашриёт-матбаа акциядорлик компанияси

босмахонасида офсет усулида босилди.

Босмахона манзили: Тошкент шаҳри, Буюк Турон кўчаси, 41-уй.

Манзиллари: 100097, Тошкент шаҳри, Чилонзор тумани, Чўпонота кўчаси, 6-уй, Тел.: 71 273-72-29 E-mail: kuch-adolatda@mail.ru

Нашр индекси: якка тартибда - 574, ташиқлотлар учун - 575.

Буюртма: Г-715 Қоғоз бичими: А-2. Ҳажми: 2 босма табоқ.

Сотуведа эркин нархда. Адади: 3136

1 2 3 4 5 6 Топшириш вақти: 22⁰⁰. Топширилди: 22⁰⁰.